



# Chuailo

Forthnightly Newsletter



Vol. No. X Issue No. 12

KOLKATA MIZO STUDENTS

8<sup>th</sup> Dec., 2013 (Sunday)

## Kolkata Mizo Students' QUIZ

Kolkata Mizo Students' Committee in a lo rel tawh angin KMS Quiz neih tur chungchanga inpuahchahna chu kal pui chhoh mek zel a ni a. He quiz neih tura kan hriattur lo inhrillhawlk leh ila.

KMS quiz neih turah hian KMS member zinga a tel duh apiang tan tel theih a ni dawn a. KMS Committee chu zau taka inhawngin, member zinga thian ho tel duh te tan pawha tel ho theihnan turin Area ang zawng pawhina then hrang lo a ni.

Mizo atanga zawhna lo kal tur hi Chuailo Annual Magazine 2013 atangin article panga a tel dawn a; Mizo Tawng Upa leh Mizo Thawnthu leh Mizo tawng ziak dan dik atangin zawhna a lo kal dawn bawk a ni.

Heng bakah hian quiz syllabus Chuailo phek 4-na a kan rawn tarlan atang hian zawhna tam tham tak a lo kal anga. Tin, heng kan tarlan bakah hian General Knowledge atang khan zawhna a lo kal dawn bawk a ni.

### Annual Magazine

**Kolkata Mizo Students' chuan Chuailo Annual Magazine 2013** chu a tichhuak ta a, i sum bawm a Rs. 100/- kha han phawrh la, thu leh hla lam ruai ropui tak an chhawp chhuah chu tlai leh puar takin han theh teh le... Chumai a la ni lo, thu leh hla i chhiar tur hi a hma a kan buatsaih ang leh kan tih thin dan nen khan a inang lovin, a hrang hlak a. Magazine dang inlo hmuh tawh leh inlo hriat tawh anga ziak mi tam tak kha beisei duh suh! I hmu lovang... I hmuh tur erawh chu he Kolkata a tual lo chai tawh leh tualchai mek te ziah hlang a nih avangin **Chuailo Annual Magazine 2013** hi chu Kolkata Mizo Pumchhuak dik tak a ni e.

KMS Committee chuan KMS Quiz neih turah hian lawmman pawh a siam tha hle dawn a. Lawmman awmdan tur chu hetiang hi a ni ang:

- 1st Prize: Rs. 7000 + Certificate
- 2nd Prize: Rs. 3500 + Certificate
- 3rd Prize: Rs. 2500 + Certificate
- Finalist: Rs. 2000 + Certificate
- 2nd Round: Rs. 1000 (each)

A tel zawng zawng tan Participation Certificate pek vek an ni bawk ang.

He Quiz hi KMS member zawng zawng tan a ni tih hriain, a hlawhtlinna chu Member tin kutah a awm a; member te tel theuh tum ila. KMS in a duhthusam leh a siamchhan ang takin member te'n tha takin i inpuahchah theuh ang u.

### CMWA

Dt. 09.12.13 hian CMWA Sport Sub-Committee neih a ni dawn a, sport hun tur leh thil pawimawh dang dang an sawiho dawn a ni. Committee member te kal theuh i tum ang u.

### Sunna

Kumin hian KMS member leh an chungte zingah chhiattawk a mual liam ta engemaw zat kan awm a. Heng kan member te leh an chungte hi KMS chuan kan uiin, kan sun tak meuh meuh a ni.

### Tualchhung...

Pathian venna leh enkawl na zarah kum 2013 thla tawp ber chu kan lo thleng leh ta reng mai, kan hma hruai a, kan hnung dawl a, kan bula min veng rengtu Pathian hnenah lawmthu awm mawlh rawh se.

Kum 2013 kumtirah khan han let leh lawk ila, engkim mai kha hriatlawk loh vek leh, tawn chawp tur thil vek a ni a. Kan hmabak leh kan hmachhawp zawng zawng kha a hlawhtling angem? tih chhanna kha "Engmah a Chiang lo.." tih vek a ni.

Hei, harsatna leh buaina em em awm lovin kan hmachhawp tur thil tam tak te kha a tha thei ang ber chuan ti lo mah ila, a pawl lo tawk leh zahpuiawm lo tawkin kan zo thei tlang pui a, member te inpekna leh thawhhona a ni a, a lawmawm thin khawp mai.

Kan member thenkhat exam nei lai leh exam zo tawh pawh an awm nual a. Tha taka an tih kan beisei a, hlawhtlinna ropui tak an hmuh theihna turin duhsakna kan hlan e.

Hun pui kan lo hnaih leh ta hle a; kan member te pawh mahni khawlamah kan haw a, a then haw turin kan la inpuahchah mek bawk a, a thenin he khawpuih hian hun pui hman kan tum bawk a. He hun pui hi hlim taka inhman theuh theihnan duhsakna **Chuailo** chuan a hlan a che u. KRISMAS LEH KUMTHAR CHIBAI VEK ULE..

*Hlimna i hmuh dan  
aain i chen dan kha a  
pawimawh zawk si a*

# CHUAILO

Estd. May, 2004

Editor : ahooma  
 Joint Editors : VT.Lawmsanga  
                   : Lalruatkima  
                   : Vanlalpeki Ralte  
 Patron : Alex Rosangluaia



## Enkawltu Kamliam

I thil tih zawng zawng saw thir teh.....

Dt.02.06.13-ah khan Chuaiilo

Newsletter Vol-X a issue hmasa ber kan tichhuak a, rokhawlhna avangin vawi 2 emawni chu a chhuah hun turah kan tichhuak thei lo a, vawiina in chhiar hi issue no-12 na a ni. Kumin chhunga kan Chuaiilo tihchhuah dante kan han thlir kir a, editorial board-te pawh kan lawmin ti tha pawh kan inti thawkhat khawp mai.

He'ng kan han thailan kher chhan chu kum tluana kan thil tih thlir kirna huna kan din vang a ni. Kumin chhunga i thil tihte kha thlir letin han ngaihtuah kir ve la, ti tha i inti em?

Mihring kan nih chhung hian kan duh ang leh kan tum dan vek hian thil a kal thei lo a, vandaina leh harsatnain min chim chang a awm thin; Amaherawhchu keimahni'n harsatna kan insiam chawp vang leh kan tih tak tak tawh loh vanga kan tih tur kan tih loh hi thil tam tak a awm thin.

Kumina kan kumpuan thupui ni mai awma kan sawi leh kan ziah ngun 'helaia kan awm chhan' hi kan ti tha tawh em tih mahni theuh lo inzawt teh ang u. Lehkha zir tura awm kan nih ang ngei in kan zir tha meuh em? Kan thawh rah ah kan lungawi tawh em?

Tun hma angin kan kumkhat thawhrah seng turin kum tawpah EXAM PUI kan hmachhawn tawh lo a, academic session dang kan hman tawh hlawm avangin kum tawpa kan exam hi Final exam a ni lo tlangpui tawh a, chuvangin inchhri hian awmzia a la awm thei a, chu chu kan vanneihna a ni.

Tunah hian kumin chhunga i tihthat tawh lohthe kha thlir kir la, insiam that na'n hmang ang che. Calendar year ah chuan kum tawp kan thleng a, heihi in enletna hun tha atan hmang rawh. I zirlaiah kum tawp(final) i la thlen loh avangin in siam thatna hun i nei a, chu i vanneihna hun chu bawhpelth suh ang che.

Kumtluanin khaw lum huam huam hnuaiiah hrehawm engemawzat tuarin mi ramah lehkha kan zir a ni a, kum tawp boruak nuam hun kan lo thlen hian a huau huau leh sahawh kawng ringawta rilru pu loin thil pawimawh, kan tana tangkai tur ngaihtuah na'n leh kan hun hman tawh dante en let a, zir letna hun atan hman theuh i tum ang u.

Zirna Huang...

## 12 Digits Calculator Manual

Calculator ah hian heng key/button hrang hrang [M+], [M-], [MRC], [GT], [MU] leh adang te kan hmu thin tawh anga, a hman tangkai dan entirna hrang hrang nen in zirho teh ang.

Entirna 1:

Item	Qty	Rate (Rs.)
A	12	175
B	13	256
C	15	532

A chungah items te khi dawr pakhat atangin i lei a, chu dawrah vek chuan a hnuaiiah items te hi i hralh let ve thung bawh a.

X	19	88
Y	21	70

Pawisa engzah nge chu dawrah chuan i pek ngai? Chhinchhiaha hmanraw dang hmang lo in 12 digits Calculator nen chauh engtin nge i chhut chhuah ang.

Memory save [M+], Memory delete [M-], Memory Recall [MRC] te hmang hian hetiang hian han ti chhin teh: 12 [X] 175 [M+] 13 [X] 256 [M+] 15 [X] 532 [M+] 19 [X] 88 [M-] 21 [X] 70 [M-] [MRC]

Number i puntir zawh a [M+] i hmeh khian a puntir chhuak te chu positive value in i memorized a, [M-] i hman ve thung chuan a puntir chhuak te chu negative value neiin i memorized ve thung tihna ani. [MRC] hmang in a total chu i hmet chhuak tawh mai dawn ani (Calculator tam zawh ah chuan i memorized sa te khi [AC] button in a delete theih avangin a inkarah khian i hmet miah tur ani lo).

Grant Total [GT] pawh khimi atan khian a hman theih tho a, amaherawh chu [GT] hian tangkaina dang a neiham tam lem loh avangin hmanthiam atangkai lem lo.

Entirna 2:

$$55 \times 257 + 200$$

$$91 - 23$$

Hetieng division awm ang chi ah hi chuan a denominator memorized hmasa phawtin tiang hian awlsam tak in i chhut chhuak thei mai dawn ani.

$$91 \div 23 [M+] 55 [X] 257 [\div] [MRC] [=] [+] 200 [=]$$

Khing key 3 te khi commerce zirlai te tan phei chuan a tangkai in hmanthiam bel em em tur ani. Annuity factor zawn nan te pawh table en kher lo in awlsam te in a hman theih ani.

(Ulhbun hnuaiiah zawm a ni e)

## article:

## BONDEL UI RUAL !!

Zuliasa Hlychho

Khai a, Ui rual han tih tawp mai chu! He ka hringnun lo zawh ve hrep tawhna, a chhia a tha ka lo tih kim ve tawhna taksa hian chhantu hi a tawng khat a sin. Mahse maw Tahrik ni 19 Sahmulphah thla khan Chhandamtu dangdai ka tawng tlat a sin.

Kha zan kha eng vanga haw tlai nge ka nih tih ka chhut neuh neuh hian ka ngaihtuahna bawm hian a hre chhuak zo ta tlat lo mai. Engpawh chu nise a tha zawng a haw tlai ka ni emaw, a chhe zawng a haw tlai ka ni emaw Chhandamtu chu ka tawng tlat si a. Zan dar 1 vel a ni a, Bondel Gate Bazar pawh a reh tha khawp mai. Zan dang chu nise kawngsir tawn tawn ah Chawhmeh a lo awm tlep tuar ang a, a thenin an lo dawn ang a, a then cheng hnih thir an lo la inkir ang. Kha zan ah zet kha zawng khang mipui bazar thin zozait kha mahni in lum ah an awm nge ka hre ta tlat lo mai. A reh hian a reh thuap a, Sazu hram ri leh hla tak a ui bauh ri bak hriat tur a awm lo.

Pathian thil siamte hi mahni ram chinah chuan kan lo huai duh khawp mai! Zan dangah pawh thlamuang taka haw a, chawhmeh mahni phak tawka tuihnai thei ang ber ka lo khai haw ve na thin kawng ah chuan tih thlabar in ka awm a, ka lungphu a phu rang sawt a, zam ngailo val kha tih zam in ka awm a. Mualpho taka siam bak hmabak ka nei lo. Kawlphetha eng sen deuh hnuai ah chuan diriam tak leh awrawl tawpa chhaih nawmna leh kutthlak hmabak ka ni. Mahse mahni phaktawka ah ka pau ka ti khauh ve tlat a, minlo khawih pawh a, chet ka lo lak ve dan turte ka ngaihtuahna bawm atang chuan chi 10 chuang meuh zuk chhuak hman tlat a! Thluak hi a lo chak teh e. Chutia ka ngaihtuah lai chuan ka hmelmah ho lah chuan thawm dim miah lo hian an awrawl tawp chuan min la vau reng a, an thawm hria an thiante lah an rawn pung zel si. Lu a va hai duh tak em. Kan in thlen na'n pen 80 vel ala awm a, ka hmelmah ho lah chu ka hnung, ka hma leh sirah min khawih hmasa duh chiah si lo, mahse ka taksa tharum thawh zawng a che hlek a nih chuan dimna tel miah lo a min khawih nghal mai duh men hian an meng ni ber in ka hria. Ka insum hram hram a, ka taksa chhungril khur mahse ka silhfen chuan a hliah tlat a, (Silfen tangkaina pawh ka hrechiang khawp mai.) ka taksa langthei chu a huaisen thei ang ber a lantir ka tum tlat a, he ka nunna tawite hi min laksak a nih paw'n a kaw tawp a tang ka ni bawka, pathum vel tal kha chu he khawvel a chamrei tir ka tum bik hauh lo. Chutia he khawvel dana nek chep leh diriam ka nih mek lai chuan ka hma lawk pen 20 ah chuan ka lam tang, Chhandamtu ka hmu tlat mai!!

Chu chhandamtu chu tu dang a nilo, vawi tam tak a thil eichak zawng lei na'na pawisa ama leh a chhungte tan a ka lo sen ve nual tawhna, a hming pawh ka la hriat loh a ni tlat. Chuan le, ka hmelmah te'n chutia min zui reng lai chuan chhandamtute ram chin chu ka

lut mek zel a, ka lut fel tep tawh, lut ang ka nih lai chuan hmelmah leh ka hero te chu he ka taksa inchuh in inkhawih chiah si lo, a tu ve ve lam pawh indimna tel miah lo hian an awrawl tawpin an inhau a, tih theih engmah ka nei lo, ka tih theih awm chhun chu ka sahimna lam pan chiah a ni. Chutia an inhauh vak vak lai chuan ka sahimna ram ah chuan ka lut fel a, ka him a, hmelmah ho lak ata chhanchhuah ka ni ta; ka va lawm em. Chutia min chhanchhuah hnu chuan ka lam pan in min chhandamtute chuan an mei dinglam panga vaiin, lungawi tih hriat tak hian min rawn pan a, kei lah tah tur nge nuih tur? engtia awmtur nge ka hre lo; Mahse ka thiam dan piaah lam in ka lo lawm a, an lu ah ka chul a ka mangtha ta a ni.

Khama zan, khatia ui rual nek chep, diriam leh an kamchhe tleuh na'na min hman lai a, ka ui duat deuhthe chhungkua in min chhan khan ngaihtuahna a ti thui khawp mai. He khawvel a sual tinreng leh natna in min tlakbuak lai pawh a chhandamtu kan la nei tlat te hi ropui ka ti thar em em a. Kan hmalawka ah a piancham pha kan thleng leh dawn, a piancham hi nang leh kei hian engtin nge kan lo lawmsak ve dawn.? He khawvel sualna hian a nekchep dawn che nge? mualpho takin a diriam dawn che? Nge, a kamchhe tleuh na'n a hmang dawn che? In ngaihtuah chiang la, i hma lawk i ban phak ah felna Lalram chu a awm a, chu felna rama mite chuan an theih tawpin an lo chhan ve reng che a sin? Chhandamtu i duh ve lo em ni?

*\* I ui vulh lai khan amah ai pawhin nangmah a hmangaih zawk che.*

*\* Phunnawi ve ngai lo, rinawm leh ngainatawm thian neih i duh chuan UI VULH RAWH*

*\* Mihringte chu kan inphatsan thin, i ui kha chuan a damchhungin a phatsan lo ang che.*

## ULHBUN

# Damlo ka kan ve tih min lo hriatsak teh u.

-**Jona, Zaimi**

# West Bengal huam chhunga EX ngah ber award awm se aw...

-**Zonuna, CMCS**

# Chi kan hnianghnar khawp mai...

-**Nu Maneihi**

# Bethsy manager thar Fela pawh kan thlah liam ta..

- **Sawmtea, Secy**

# Lemchan lam hi chu ka hnehsawh em.....

-**Hruaii, Salt Lake**

# Ka thlahrang film chang lai Pu Laima-a'n min lo hmu hman a, chi loh a sin!

- **Mr.President**

# Promgranate ka ei ve si lova, thisen ka pe ve lo mai ang.

- **Rsi, Park Circus**

# Advance Krismas ka awm chak lutuk a, Flight ka miss lui!

- **Tete Mali@ SA**

# Bike chuang ze ber ka lo thlang ve dawn mawni le..

- **Samuel Songate**

# Temami bengbeh kha a lian mah mah..

A, a lian leh lo e.

- **Ex PC.Puia**

# Ba ngah hi changkanna..

- **Remrema @ SA**

# Temami hi khawiah pawh kal ila hmuh tur a awm ve ziah!

- **Sen-seka**

# Chuailo chhuah apiangin Explanation call tir a ngai ziah!

- **Florence**

#I haw ni khan Kolkata a ngui ruai e.

-**Opi@ CMCS Fin.**

**Secy**

# ^----- A dik chiah

- **Thanmawii**

# Setana mualpho nan hmeichhia be zel ang.

- **Pu Lawma @ PG**

#Hmangaihna inthlang sual ang e

- **Didina inkhel thiam**

## Fiamthus..

\* Mavala thiandun pawh a thianpa nu leh pa zin hlanin, an ruiphur khan an vawk an talh alawm le.. An vawk kha 19'(thenkhat teh dan chuan 38 inches) ang vel a nia. An ruih laiin an talh ta a. Bazarah an sat ve hmiah a. Bukna tur an neihloh avangin mi dawr a mi kg 1 bukna an hmang a. A sa 1kg in an buk a. Chutah buk lung chu dawrah an pe leh mai a. A sahna tur khan sa sahna chem nei hek lo le.. Vaichemin an sat a.Mi khan an lo dawr ve ta a.. Buk lung nei hek lo, an buk sa kg 1 kha an kut lehlamah chawiin, a lehlamah an rintawk vel an sah thlak kha an chawi leh a..a rihdan a inang vel nia an ngaih chuan an pe ta thin a ni. Chutah, an kal tawh hnu an umzui a..an belh leh vel thin.A tawpah an peih leh tawh si lova..an bula zuar ve pakhat chu a pe ta vek a.

\* Pa Pakhat sava chang pawn a tia lawm, "Sava ka chang a, chhehrarp hnuaiah ka thu a. Ngau pachal hi ka thutna chhehrarp chungah chuan a lo thu ve a, a mei a lo uai thla zar mai a. A meiah ka han pawt ngawt mai a, min han tlanpui tak tak mai chu chhehrarp ka tawng pawng zawk zawk e..." a ti lawm...hehehe

\* Pa pakhatin a tia lawm, "Vaiho hnathawk hi an han zawi khawp a, ka hmu ning lutukin an aia zawiin kan thawk ve mai chu(h)! An zawi tawh lo chiang teh e..." a tia lawm.

## ( Zirna huang chhunzawmna)

Entirna 3:

Company pakhat Agent i ni a, item Rs. 100 man chu hralh turin i la a, i hralh chhawn leh na man tur chu Hralhna man (Selling Price) ah 10% hlep nei thei turin an bituk sak che a, tichuan i Hralhna man leh I hlep chu engzat nge ni ang?

Mark Up [MU] hmang in awlsam tak in Hralhna man(SP) chu tiang hian i zawng mai dawn ani

100 [MU] 10 [%]

Profit chu a chungah SP zawnchhuah atang khian Rs. 100 paih ani tawh mai.

Entirna 4:

Find (i)  $\sqrt[3]{8}$  (cube root of 8) and (ii)  $\sqrt[7]{78125}$  (seventh root of 78125)

12 digits calculator ah hian square root (v) function chiah a awm avangin root dang zawng chhuak tur chuan ahnuiaia formulae hi hman mai tur ani.

Formula:  $avb = [b]$ , press [v] button 12times, [-] [1] [÷] [a] [+] [1] then press [X] [=] 12times

Solution (i): 8, press [v] button 12times, [-] [1] [÷] [3] [+] [1] then press [X] [=] 12times

(ii): 78125, press [v] button 12times, [-] [1] [÷] [7] [+] [1] then press [X] [=] 12times

## article

## Hostel Naupang

- Mapuia RK

Thiamna eng emaw tal puakchhuah tumin Hostel-ah mutbu ka han pu lut ve ta rap mai a. Hostel nun chu zirtur a lo tam khawp mai. A hmaa kan hriat ngailoh leh kan la tawnloh thil tam tak kan tawng a. Nunphung leh chetziaah thil tam tak kan han hre nghal pang mai. Kan chetdan thenkhat erawh mihring damlai beng hriata sawichhuah chi vek erawh zu ni suh!

**An sawi Serkhawpui leh lunglen!**

Mi khuaa han awm chuan lunglen a awl duh ngei mai. Zu in thinin an sawidan ang deuhin tlailam hi chu awmlo se la lunglen a zia tur hi a nia. Tlai ni tla turin kawlbul a chhun en sut a, leilung mawina a han pholan chiah hian lunglenna pawh hian mi a han zem tan a. A ruken kan inhnit faih faih thin.

Kan thianpa pakhat lungleng lutuk pawh an khaw tlang lan theihna kan hostel field lamah amahin a lo va phei a. A lo va tap a ni awm e. A duhtawka a tah hnuah hostel field thlang kawnga kal nula pakhat a lo chhah chu niin! Kha nula kha kan hostel chhak Biak Ina rawn inkhawm thin a lo ni hlauh mai a. Kan awmho chhung khan a hél zak zak thin!

Ka lungleng thin khan ka guardian te kha ka va tibuai nasa thin em! Tunhna an sawi leh te hian ka la ip chawih chawih thin. Ka guardian khan min ngaihtuah thei khawp mai. Kawng tam takah puitlinna ka neih phah ta hial reng a ni. Tunhna ka ngaihtuah leh hian ka la lawm khawp mai. Kan u pakhatin mi tam thep thawpnaah “chu zing tawngtai inkhawmah i lungleng lutuk chu an tawngtaipui che a maw?” an ti mai chu(h)! Hnar hi a lian satliaho...a tuvu hlurh hlurh hian ka hria!

**Ei leh in lamah!**

‘Hostel naupang chu an rawp’ duh tih hi ataka chang tute zinga pakhat chu ka ni ve awm e. Purun var te, purun sen pumkhat te kha a va han ropui thin tak em! Tunhna ka ngaihtuaha ka la nuih kur kur na thin mawlh kha- chawlhna kan sa dawn hi vawikhatah eizo phal lovin kan dah tha thin a. Ka thianpa nena kan sa dah that zawhtein hmu fuh in ti fe hian min lo ei khalh hlauh mai a. Kan va in um nasa tak aw!!

Kan hostel kudam mawlh mai kha. Kan cook khan mamawh lain a lut a. A ruken kan han zui lut a. Kan biru a. Pawn lamah a kalh hnuah duhtawkin eitur kan dap a. Kan duhtawk kan ei hnuah thawm kan han nei a. Rang fein kan cook a rawn lut a. Keini lahin kan tihur kan tifel vek tawh si! Min report ngai lem hlei chuango a!

Eitur hrim hrim kha kan rawp vek mai. Vawikhata serthlum pum 28 te han ei kha chu a hunlai chuan kam ram mai mai mah nise tunhna ka ngaihtuah leh hian kan lo ti mah mah em aw?? tih vawng vawng chang ka nei thin!

**Chhuah rûk mawlh kha..**

Duh ang anga tal theih a nih ve loh avang leh hun bi neia thiltih ngai a nih avangin hostel chu hrehawm ve tak a ni. Mi khawlai leng han hmuh te hian an huatawm rum rum thei nia mawle!

Vawikhat kan chhuak ru min man alawm le. Kan warden khan min ko a. Min dawp a tum ve khanglanga, ka inthiamlo lutuk leh dan ka bawhchhia tih ka hriat avanga ka pawiti lutuk ka tawng ngamlo tlat mai chu min dawpchuak lo Chiang teh a sin aw!

Kan warden tihngaihna hre lo lutukin Father hmu turin min ti a. Father hmuh kha chu a huphurhawm khawp mai. A case kha a nep lo ropui si a. Chutah Father hmu tura kan kal chu keini aia pawl sang zawk kan hostel ami pahnih hi test naa an fail vangin an lo hmu ve dawn a. Kan luhtir hmasa ta hlauh a. Kan va lut ve leh chu kan Father chuan test naa fail ve tho turah min ngai a ni chek ang. Lehkazir tha tawh turin tha deuhin min lo hrilh a, zir dan turte min lo hrilh a. Nui sang chungin tha deuhin min chhuah ta a. Pawn kan chhuak chiah chu ka chhuahruk pui ka thianpa nen chuan kan ‘HALLELUI’ lo chauh mawle!

**Warden hmachhawn thiam a ngai!**

Kan warden khan tukhum lamah mit a nei emaw tih mai tur khawpa fing hi a ni a. Kan thian thenkhatte pawh dan bawhchhiat avangin a man nual thin reng a. Hauh pawh an tawng ngun thei khawp mai. Kei erawhin hauh theih miahloha tihdan ka thiam thung!

Vawikhat chu kan kitchen bula theihai la lian vaklo hian amah lo turin min duh hmel lutuk a. Thli chhem zawngte hian min rawn pan tlat hriatna ka nei a. Ka lo ta alawm le! Kan warden chuan tifuh in ti awm tak hian min rawn man a tum ve ngei a. Ka hnuai a lo thlen a, a tawng hmaw hawihawm ka lo chhuah vat a. “Sir, khilaia lian ve deuh tawh khi a tui ngawt anga, ka lo lawh ang che aw..” tiin a tui em avangin ei ve turin ka duh thu ka lo hrilh vei luam a. A ngaihdan chu a ni lo tih chu zawlnei sawi kher ngai lovin a hmelah a lang a. Warden tan pawh min duhsaktu hauh ngawt chi zu ni suh. A kal vang vang mai mawle.

Tlaikhat ka chaweikham chu kuhva ei tumin a rah ka lo hmuam tawh a. Kan warden bawh chuan min lo hmu leh pek a. Min man sak a tum ngawt pek a. Keichuan tha deuhin “sir, hei chiah hi ka nei tawh tho. Ka eizo law law mai ang aw?” tiin hawihawm ka lo chhuah a. A tihngaihna hrelo chu min kalsan ringawt a. Khata tang kha chuan ‘tawngkam thain sial a man’ tih a dikzia ka hrechiang ta khawp mai. Sial em chu man lo mah ila, hremna tam tak chu ka pumpelth tlat thung...

Kan warden nen khan kan nunchang kha kan va han inzir nasa thei tak aw. Mi a enthlak dan leh a enthlak hun te, a lenchhuah dawn leh dawn loh te kha a chet dan atang khan ka man thiam vek a. Kan warden chuan a chetdan ka zir tih a hria a, a chetdan phung a thlak a, min man leh nge nge thin.

Kha hostel kha tunah chuan luahlum tu an awm tawh lova, kan mutna thin khum te pawh kha sir khatah hnawl khawm a ni tawh a. Khang khum chunnga mu thin te pawh kha kan awmna a lo dang zo ta... Engkim mai khan ‘hman..’ a chang tawh a, engtikah mah a lo let leh tawh dawn si lo...

**Quiz Competition**

KMS Executive Committee in alo rel tawh angin Quiz competition buatsaih tur atan hma lak mek a ni a, a hun atan February 2014 tinzawn a ni. Group anga inelna tur a ni a, group khatin member 3 atanga 6 an nei thei ang. He Quiz competition atan hian KMS Quiz Competition Sub-committee chuan budget atan Rs. 20,000/- a dah chhin phawt a, prize pawh tha tawk tak siam tum a ni. KMS member zawng zawng te tel tum theuh tur leh hemi atana inpuahchah theuh turin kan insawm e.

Zawhnate hi a hnuai tarlan ang hian topic hrang hrang atanga lak khawm a ni dawn a ni:

**General Knowledge, Mizo, History, Political Science, Economics, Accounting, Direct Tax.** Topic tinin an point ken tel zat tur chu remchang hmasa berah dan leh hrai kimchang zawk nenrawn tih chhuah leh a ni ang.

Mizo ah chuan Mizo history, thu leh hla te bakah, Chuailo annual Magazine 2013 atang in articles 5 thlan chhuah a ni ang. History, Political Science, Economics, Accounting leh Direct Tax te hi a hnuai chapter hrang hrang thlan chhuah atang te hian Calcutta University syllabus mil in zawhna siam a ni ang.

**History**

1).Archaeology Sources and literary sources 2).Harapapan Civilization 3). Aryan Debate 4).Mauryan Empire 5).Ashoka's Dhamma 6).Samudragupta 7). Local self government of Cholas 8).Iqta system 9).sufi and Bhakti movement. 10). Husain Shahi Dynasty to the social and cultural life in Medieval Bengal 11).Vijayanagar empire ( Economy) 12) Scientific Revolution 13). printing revolution. 14) Price revolution. 15). Peace Of Westphalia (1648)16) .Decline of Mughal empire.17).Jagirdari crisis.18). Akbar 19) Buxar, Diwani, Drain of wealth. 20). Opium War.21). Taiping rebellion 22).Mejiresoration 23).Manchurian crisis 24).Young Bengal Movement 25). Revolt of 1857 26).Partition of Bengal 1905 27).Morley-minto reform 28). Treaty of versailles29) Facism and Nazism.30) World war II 31).UNO 32) Cold War.

**Political science**

1). Theory of the state 2). Democratic theory 3). Dialectual and historical Materialism 3).Marxist theory of state and Revolution 4). Comparative Politics and Comparative Government. 5). Role of Party system in UK,USA and PRC 6). Role of Speaker in Parliamentary and Presidential system ( UK and USA) 7). Framing of the Indian constitution 8). Fundamental Rights and Derective Principle aof state policy. 9). Union Executive: powers and functions ( President,Prime minister Etc...) 10). Union Legislature :RajyaSabha and LokSabha 11). Supreme court and High Court: Composition and function 12).Constitution amendment. 13). Election CommisionOf India 14).Realism, Pluralism and world system theory 15). Colonialism and Globalization 16).Cold war and its evolution 17).Problem of Developing Countries 18).Indian foreign Policy ; Basic principle. 19) USA and China foreing policy after the Cold war.20). UNO 21).Foundation of Indian National Congress.

**Economics**

1) Introduction 2) Basics of Demand and Supply 3) Theory of Consumer Behavior 4) Theory of Production 5) Theory of Cost 6) Market for Commodities 7) Factor Price Determination 8) Money and Inflation 9) National Income Accounting

**Accounting**

1)Introduction to Accounting 2) Concepts for determination of business income:

- Revenue recognition
- Inventories
- The nature of depreciation
- Reserves and provisions
- Capital and revenue expenditures and receipts
- Adjustment and rectification

3) Consignment 4) Partnership accounts 5) Branch accounting 6) Hire purchase and Installment payment system 7) Introduction to Accounting Standard:

- Concept
- AS 1, AS 2, AS 6, AS 7, AS 9

8)Company – Introduction And Accounting for Shares & debentures 9) Buy back and Redemption of preference shares 10) Redemption of debenture 11) Company Final Accounts 12) Ratio Analysis 13) Fund Flow Statement 14) Cash Flow Statement

**Direct Tax**

1) Basic concept 2) Residential status 3) Salaries 4) Income from House Property 5) Profits and Gains from Business and Profession 6) Set off and Carry Forward of Losses 7) Deductions from Gross Total Income 8) Provision for Filing of Return 9) Interest u/s 234A, 234B, 234C 10) Tax Deducted at Source